

ქ. ბათუმი

20 დეკემბერი, 2017 წელი

(ბსუ-სა და შ.პ.ს. „დიდგორი“-ს შორის 2017 წლის 29 სექტემბრის სახელმწიფო შესყიდვის შესახებ დადებული №235 ხელშეკრულებაში დამატებების შეტანის თაობაზე)

ერთი მხრივ სსიპ „ბათუმის შოთა რუსთაველის სახელმწიფო უნივერსიტეტი“ წარმოდგენილი ადმინისტრაციის ხელმძღვანელის ჯემალ ანანიძის სახით, (შემდგომში „შემსყიდველი“) და მეორე მხრივ შპს „დიდგორი“ წარმოდგენილი დირექტორის ნინო ვარშანიძის სახით (შემდგომში „მიმწოდებელი“), „შემსყიდველის“ მიერ ბსუ-ს მეორე კორპუსის სარდაფის რეაბილიტაციის, ამავე კორპუსში სტუდენტთა თვითმმართველობის შეხვედრების სივრცის მოწყობის, მე-3 კორპუსში სასწავლო ცენტრის რემონტის, ღია მინი სპორტული მოედნის რეაბილიტაციისა და სხვა კორპუსებში სხვადასხვა სახის სარემონტო სამუშაოების შესყიდვის მიზნით გამოცხადებული ელექტრონული ტენდერისა (სატენდერო განცხადება №NAT170009289 08.08.2017წ.) და „მიმწოდებლის“ სატენდერო წინადადების საფუძველზე, მხარეებს შორის 2017 წლის 29 სექტემბერს დადებული სახელმწიფო შესყიდვის შესახებ №235 ხელშეკრულების მე-10 მუხლის, სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანებით დამტკიცებული „ელექტრონული ტენდერის ჩატარების წესის“ 35-ე მუხლის მე-2 პუნქტისა და მე-3 პუნქტის ა) ქვეპუნქტის მოთხოვნებიდან გამომდინარე, იმის გათვალისწინებით, რომ შპს „დიდგორი“-ს 2017 წლის 20 დეკემბრის მდგომარეობით შეუსრულებელი აქვს ხელშეკრულებით გათვალისწინებული სამუშაოები საერთო ღირებულებით 132806,44 (ასოცდაათოთხმეტი ათას რვაას ექვსი ლარი და 44 თეთრი), ხოლო სამუშაოების დასრულების ვადა განსაზღვრულია 2017 წლის 28 დეკემბრამდე ჩათვლით პერიოდში, შევთანხმდით შემდეგზე:

1. შევიდეს ცვლილება ხელშეკრულებაში და მას დაემატოს 4.4. და 4.5. პუნქტები შემდეგი რედაქციებით:

„ 4.4. წინასწარი ანგარიშსწორების შემთხვევაში მიმწოდებელი ვალდებულია, შემსყიდველ ორგანიზაციას წარუდგინოს წინასწარ გადასახდელი თანხის იდენტური ოდენობის გარანტია.

4.5. წინასწარ გადასახდელი თანხის იდენტური ოდენობის გარანტიის წარდგენისაგან მიმწოდებლის გათავისუფლება შესაძლებელია იმ შემთხვევაში, თუ

- წინასწარ გადასახდელი თანხა ჩაირიცხება საამისოდ განკუთვნილ ცალკე საბანკო ანგარიშზე და ეს თანხა იქნება გამოყენებული შემსყიდველის კონტროლით ხელშეკრულების მოქმედების მთელ პერიოდში.”

2. შეთანხმება ხელშეკრულებაში ცვლილებების შეტანის შესახებ შედგენილია სამი თანაბარი იურიდიული ძალის მქონე ეგზემპლარად, რომელთაგანაც ერთი ეგზემპლარი ინახება მიმწოდებელთან, ხოლო ორი შემსყიდველთან.

3. წინამდებარე შეთანხმება დაერთვის შემსყიდველსა და მიმწოდებელს შორის 2017 წლის 29 სექტემბერს სახელმწიფო შესყიდვის შესახებ დადებულ №235 ხელშეკრულებას და ჩაითვლება მის განუყოფელ ნაწილად.

4. შეთანხმება ძალაში შედის მხარეთა მიერ ხელმოწერის დღიდან.

5. ხელშეკრულების ყველა სხვა პუნქტი დარჩეს უცვლელი.

მხარეთა ხელმოწერები

„შემსყიდველი“

სსიპ „ბათუმის შოთა რუსთაველის სახელმწიფო უნივერსიტეტი“

ბსუ-ს ადმინისტრაციის
ხელმძღვანელი

ჯემალ ანანიძე



„მიმწოდებელი“

შ.პ.ს. „დიდგორი“

შ.პ.ს. „დიდგორი“-ს
დირექტორი

ნინო ვარშანიძე

